





救偏瑣言卷之三

起脹證治準

痘之根透則爲起。囊綻則爲脹。起居先而脹繼之者也。痘初放點。其粒如菽。透及五朝前後。表裏得以無邪。痘瘡不至偏陷。縱赤而出。根透囊綻。菽而至於如痘。是謂起脹。毒其盡行於肌表矣。以毒達於外。痘故得以起脹也。其象眼封鼻塞。氣尊血附。頂白根紅。白而且肥。紅而能淡。光壯如珠。身體溫和。神清氣爽。飲食二便如常。是起脹之順者也。不須服藥。

起脹時。若表邪未盡。至毒不能盡行肌表。向來痰唾稠粘。

或鼻流清涕。或面赤多淚。或面青聲重。或翁翁發熱。或  
淅淅惡寒。或毫竅直豎。至此猶未霍然。痘必未能起脹。  
仍必疏肌達表。而兼升發。古人言一見紅點。便忌升麻。  
乾葛不可拘也。

起脹時。若有宿食未消。致毒阻塞于內。向來胸膈不寬。按  
之眉愁。口中噯腐酸臭。轉矢氣極臭。至此猶未跳脫。痘  
必應至不至。仍以寬中化食而兼升發。古人言治雜症  
一寸。痘子落後一丈。不可訓也。

起脹時。表裏無邪。雖無阻礙。氣虛血弱。痘雖起脹。而少光  
壯。淡白而不蒼老。眼不甚封。鼻不甚寒。腳雖不塌。頭不



能綻。體靜溫和者。稍稍解毒中。卽當漸補氣血。溫中保脾。如保元湯加芎歸本香姜蠶白芷山查。量用解毒一二味。以豫防漿後泄瀉倒陷之患。

起脹時有氣血虛劇。不惟溫而且冷。不但靜而且倦。不惟白而更嫩。不但不老而且皺薄。頂陷而兼腳癩。重語聲輕。眼不能封。鼻不能塞。淹淹不振。而不起脹者。卽當大劑保元湯。加芎歸鹿茸。以峻補氣血。或丁香桂附以振作元陽。參芪太重。必須濟以山查。以此味能行參芪之滯。不減參芪之力。此用藥相濟之法。不可不知。桂附量視緩急。參芪鹿茸遲則殆無及矣。此偏於不及者。大畧

治法也。

起脹時至若毒火猛烈更有伏火伏毒鬱于皮毛痛如膚  
刺衣衾難動期雖起脹竟累日壅遏者有毒參陽位面  
目燉腫而痘不腫者有毒滯于頂根起而囊不鬆者有  
身之內通塞不均衝突處則重頂甚則湧泡過鬱處或  
平或陷甚至連顆囊亦板實者亦有窠粒周圍貼抱一  
圈狀如珠殼者有毒擁皮肉痘雖粗大板而平者此等  
梟毒在于氣分不拘痘色紅與白紫與黯必用蕩滌之  
劑佐以青皮赤芍荆芥牛旁木通蟬蛻用山查兩許  
煎湯代水以治之重以棗蟲透發庶氣不爲毒縛氣得

以暢達而痘起脹矣。古人言氣不可虧，不可法也。

起脹時有諸痘未漿，并有未及放白數點。先已黃熟者，有半爲熱毒燔灼，半爲伏毒錮閉。一則鋪紅肆溢，一則痘若水珠者，有通身或紫黯或紫艷或焮紅，或羸紅或晦色，或間硃砂癍點，或紫背浮萍，或失血空竅者。此等熱毒在于血分，不拘痘之日期，亦必以蕩滌爲主，佐以桃仁、赤芍、紫草、地丁、丹皮、荆芥、木通、豬尾膏、地龍以散其凝結之毒。庶血不爲毒瘀，得以通達而痘自起脹矣。古人言補血之功難，須當養于平素之說，不可泥也。

假令毒火發見于外，熱如火熾，煩渴不已，口熱如爐，不拘

在氣在血均以石膏芩連犀角。或四聖散金汁等類以制其陽光烈火。庶氣血兩不受灸。痘其得以起脹而榮。潤矣。古人言疹愛清涼。痘要溫。不得以此痘律也。

起脹時有根起而囊少脹。起脹而或少克。克而色或少潤。潤而熱有未和。是毒火未得宣暢。概以疏透清解。歸無事于蕩滌。亦不必過以寒涼。尤不宜妄用辛熱。亦不當便用溫補。但以連翹牛蒡生地丹皮紅花山查甘草荆芥穗之類。稍以白芷姜蠶桑蟲占米。以催漿拓膿。火雖不熾。清之則熱得以和平。色得以滋潤。行漿而漿得以洋溢。毒雖不盛。鮮之則囊得以鬆泛。毒得以化漿。至收



結而不爲餘毒纏擾清解之法常規原以此期痘至五  
六日大都起脹起脹則毒在外毒既在外而清之解之  
則毒無寒凝之慮痘方起脹則漿未及行而裏未虛乘  
未虛而清之解之則痘無內虛倒陷之患而孰知過與  
不及不可以常理論也歟

### 攻毒總訣

問痘如何有用攻伏毒伏火豈堪容毒火鬆透稠無害毒  
火深藏稀亦凶細窺神情暨見症察形驗色皎如星上焦  
衝突如泉湧舌刺唇焦與炙同下迫小腸溲是血大腸逼  
迫苦難禁拂箭皮毛痛似剝啼號不已虛中宮胸堂壅

過躁如嘔。日夜無眠。擾不寧。痰一因之迷。上竅氣雄。煩悶  
叩無聲。靜不靜。分躁不躁。愁容可掬。畏人親。骨節煩疼。癢  
似杖。筋抽脉惕。狀如驚。徧體炎炎。駭熱深。更呀四體。有  
如水。通身汗湧。令人畏。尤怪身焦。首似蒸。毒湧肌肉。周身  
板。掀腫如吹。痘却平。擁突如桃。名疔瘡。痘瘡未見。毒先行。  
痘未脹時。面預腫。額顙未起。眼先封。赤眼胞下。遶紅絲。  
倒豎睜毛。人未知。徧軀晦滯。如蒙垢。口舌無皮。穢氣噴。兩  
頰嫩紅。無點粒。發始牙爭。舌不寧。報點歪斜。黑陷硬。一齊  
湧出。細如針。紫背浮萍。癩似蚤。犯一稀稠。總不論。貫珠  
攢簇。又堪嗟。蟹瓜遊蠶。蠟上沙。燕蟪二窩。并鳥跡。壹錢鼠

跡及螺疔。雁行珠殼。蛇皮類。履底環珠。總象形。其在部  
位亦多名。覆釜蒙頭。兩截分鎖。項纏腰雙鎖。口託腮攢背。  
與攢胸。披肩囊腹。咽關屬。抱鬚蒙眈。及鎖唇。鱗坐囊毳。暨  
抱膝。隨地逢之。莫覩輕。色有紫艷。有深紅。紫滯乾紅。又  
不同。紫類。雖冠花是艷。深其無異。絳桃紅。滯色猶如花木。  
筆乾如紙色。有礬紅。若比青蓮滯。更惡。椒皮乾色。惡無倫。  
有頂平平。若烙炮。有頂如煤類。火燒。有頂陷下。根紅腫。  
有頂尖圓。色紫焦。痘色頗佳。多惡症。痘稀色白。見確標。飛  
漿。透見黃如蠟。發泡。看來似葶桃。有白有紫。有色黑。或粗  
或細。毒感鼻。那般痘色。那般形。見症神情。總毒伏。毒伏

于內血受瘀。毒伏于內氣受鋸。毒輕本受氣血制。慘彼氣血亦歸毒。是痘生成必內潰。除却蕩滌無生路。縱使不能一一蘇。舍此千中無一復。前人列于不治條。後人糊模傍矩獲。亦有識者謂實病。懊歎嬰兒是天命。天假千慮之一得。殺身惡毒容稍滅。惡毒驅兮氣血暢。氣血融通痘自放。氣領血載功自全。頂白根紅自光壯。即使貫珠堆聚類。亦得鬆擡無敢抗。氣煦血化漿自成。不藉參芪保元神。成痂落靨無侵蝕。胃自開強脾自實。此痘不拘兒厚薄。不拘未病先病弱。不拘眼大便已瀉。不因眼大便閉結。不拘成漿宜保脾。不拘痘後須調理。尋常之法治尋常。不可將來抵



惡酌梟毒不驅是縱虎驅之不盡防竊發若使反以補爲良可歎適以資盜糧有慮兒虛且傍穩坐視匍匐將入井從來有病則病受始終細細宜詳究犯此尤當及早圖更須絕頂方駐足但憑漿後胃日強夜卧日高猶未足落痲體快與身涼咲口歡容無稍楚方是梟毒盡無餘纔得修文偃却武

申明鼻衄

痘瘡鼻衄與雜症鼻衄不同雜症不過迫于肺經浮遊之火清之立鮮縱有爲積熱所致勢亦猖獗者有之要無內潰之慘痘乃先天毒火不衄則已衄則烈毒內亂五臟沸

騰致血妄行。空竅點點皆毒血也。非等閒邪火可例。勢必蕩滌而佐以涼解。庶可治其虐。不則毒血內瘀。毒瘀于內。其有不潰者乎。內至于潰。其有得生者乎。若僅以犀角地黃之劑而希止之。是猶揚湯點沸。非鍋底抽薪之法也。是症甚多。以下附毒之驗。總難筆記。各附其一。以證其概。

附一治驗

余一孫女。四歲。戊子暮春。一晚大熱如炮。躁亂不寧。不逾時而痢如注。血紫成條。有意亂心慌之象。是夜卽以涼血攻毒飲。減紅花紫草。如石膏。倭參。地丁。連投三劑。次日午刻見瘡。不紅不紫。如疔色。椒皮。窠囊不起。第二

朝衄止。熱亦減半。叫喊不已。躁亂如初。暫減石膏。用大  
桑蛀同猪尾膏盞許。和于藥內。日服二大劑。服及七朝。  
漸起漸紅。大便日去七八次。九朝漿行。漸入佳境。藥餌  
遂懈。十朝晚身復大熱。叫喊仍不絕口。滿面搔破。猶幸  
鮮血淋漓。急用胭脂調入化毒丹貼之。前方重以<sub>五</sub>錢。  
生地石膏俱兩餘。三劑後。十三朝始定。收結而痂  
尚燥。寢食僅得其半。以忍冬鮮毒湯減紅花加大黃生  
地十六朝收功。

申明舌刺咽乾

舌胎如刺。咽乾如炙。傷寒雜症見之。亦陽盛陰虧之象。然

扶陰抑陽。其厄可解。痘瘡若見。總以烈毒肆虐。非僅燔炙而已也。輕則乾焦。重則焦黑。亦必潰而後已。總係咽喉之毒。所以咽啞水噎。並爲逆症。舌刺如煤者不治。欲解其圍。非蕩滌不可。即使攻之。亦必早圖。乃克有濟。不當日之於泛常也。

附一治驗

徽州程季老。一公郎三歲。丙戌殘冬。一日大熱煩渴。口熱如爐。舌胎卽芒刺而黑。則其咽乾可知。見點于肌肉之間。隱隱若麻。乾紅晦滯。彷彿乎逆。幸在初朝。以清涼攻毒飲。加蜜炙麻黃二分。以隆冬也。減犀角二劑。細碎



者悉退。顆粒分明。又二劑色亦稍轉。四朝淚流如膽汁。唇漸堆結如煤。謂之鉄嘴。大便晝夜約去十餘次。一方服至六朝起脹。八朝行漿。胃氣未開。神情未快。十二朝鉄嘴鬆褪。寢食漸安。首尾一方收結成痂。以忍冬鮮毒湯。至十六朝收功。

### 申明溺血

痘瘡失血。列于不治。總以烈毒內攻也。况出自小腸乎。故五淋隄血尤重。痘瘡犯此可知。涼血清毒。固是症之首務。而無斬關之劑。以驅逐之。縱極清極涼。僅足以緩其流。難以澄其源也。

附一治驗

七里溫廣心兄大公郎八歲出痘于乙酉仲冬值久瘧後精神疲敝飲食不思痘卒溺血如膏胸膈閉悶唇黑如煤舌胎如刺兩頰不分界地天庭明朗身上稠密乾紅腹更有紫背浮萍斑點如是毒火身反不熱內鬱故也以涼血攻毒飲大黃爲君加桃仁每劑和大桑蟲日服二大劑五朝未見轉機前方倍大黃五錢生地兩許七朝兩頰懸透紅活成顆身體大熱餘痘亦俱紅潤膿麻漸淡前方減葛根蟬蛻紫草紅花桑蛀加黃連石膏每服調牛黃化毒丹一錢日進二服十朝漿足腹熱悉

退胃氣頓開。十二朝唇殼褪脫。舌竟紅活。頭面堆砂收  
結。身上氣足血收。寤寐俱安。前方減大黃黃連石膏桃  
仁加金銀花貝母。攻伐之劑。止一劑不及。便不思食。神  
情仍復不快。痘即停止。予駭其故。豈攻之太過。而真元  
不繼耶。抑攻力未足。而毒火竊發也。猛省其故。失檢其  
溺。取視猶然。使內邪淨盡。小腸何猶乃爾也。悉如前法  
連進二劑。諸象速轉。捷於影響。服及十八朝。而溺始淡  
黃其色。以忍冬解毒湯始得收功。

申明大腸逼迫

大腸爲傳送之官。通利易結實難。故大使之實與瀉。中氣

之虛實因之。所以古人治痘。用末香異攻散。以豫防其滑  
瀉。而孰知梟毒深藏之痘。不爲氣領。不爲血載。表裏壅塞。  
發洩無門。因有傳送之隙。可乘毒其騰湧于此矣。膠既毒  
湧。下注逼迫。自欲解而仍不得解。誠能因勢而利導之。俾  
毒得以宣暢。則氣血融通。而痘其發皇矣。

附一治驗

孺山鍾晉叔兄。七歲一公。甲戌出痘。未見點時。腰腹  
倏爾疼痛。至欲解更甚。及解逼迫異常。急不能待。而卒  
不能解。因艱塞而努力。因努力而愈艱塞。不惟不得解。  
努力之極。氣反上湧。而一圓顏俱變。俄頃而惡象復然。此



毒深藏于脾腎也。以必勝湯去生地連投二劑。身體壯熱。見點稠密不鬆。乾紅色滯。痘與皮肉按之俱板。氣壅煩悶。身無安放。前方服及四朝。大便見毒垢如漆如膠。紫黯其色。前方加黃連石膏生地服及七朝。頭面掀腫如毬。周身四體脹滿如吹。有如氣鼓。目之可駭。所幸痘亦得張。十二朝漿行。十四朝漿斂。悉以一方主之。大黃用及勸餘。大便日止一次。口內成瘡。目睛起瞶。身熱未和。以撥雲散合忍冬解毒湯。調牛黃珍珠服至十七朝。所進僅止稀糊。所存惟有皮骨。與參湯數匙。口卽乾膩。嗣後弗藥。惟以牛黃珠末。日服二分。佐以吹藥。瘡與瞶。

漸愈飲食漸進。月餘後肌肉生長精神康復。次年患一  
悶癢不及進藥而斃。惜哉。

申明拂鬻皮毛

痘未分布而毒先湧發如癩者名爲疣瘡塊。痘未及乎肌  
肉而毒之鋒穎先射乎皮毛。謂之穎毒。稍一撻之痛如膚  
剝者是也。此不早圖任其肆虐七八朝必至燥痒外剝而  
斃。毒之最惡者也。

附一治驗

復初黃憲副八公郎癸酉孟春一日身體燥熱肉矐筋  
揚兩目昏沉痘之象也。愁容萬狀稍動其衣被痛楚等

于剝膚。是頰毒鬱于皮膚也。卽用必勝湯減桃仁。加桔  
梗。用大黃四錢。連進二劑。痛不稍減。照前方大黃六錢。  
又二劑。透出一身紫滯。乾紅綿密無縫。癩始減半。大熱  
如火。前方加黃連石膏。減葛根。服二劑。顆粒分明。六朝  
克肥。九朝漿勢沛然。因痘象可觀。藥卽懈弛。次日燥痒  
難禁。頭面搔破。血流滿面。猶幸急以藥膜脂貼之。悉如  
前方。外以牛黃二分。珠末四分。勻分三服。調于藥內。日  
進三頭汁。次日復灌。十二朝堆沙漸收。腐爛作臭。胃氣  
日開。神情日爽。十六朝收功。用大黃劬餘。牛黃二錢。

申明啼號不已

啼哭嬰兒之常態。至于不已。非煩熱所致。卽痛之使然而可慮矣。聲必急驟。面必愁容。與常態自是不同。卽使煩熱痛楚。其因別症。如蛔結食積。瘡瘍癰毒等。勢亦無專于瀉滌者。惟痘瘡犯此。中藏伏毒。而內擾。擾則攻。攻則潰。所以叫喊不已者。不治。非不可救藥也。正不知有此治法耳。

附一治驗

余戊子一孫。壬辰初夏。一晚大熱如烙。叫喊不已。如蠟在灰。次早大小便俱血。解後稍緩。俄頃復然。急以必勝湯。加石膏連投二劑。日晡卽見痘。窠粒不鬆。痘色紫黯。大解皆紫黑。成片成條。散者或成流。叫喊愈甚。照前方重

以。大。黃。生。地。石。膏。晝。夜。三。大。劑。每。劑。和。猪。尾。膏。一。大。盞。  
并。大。桑。蠶。服。及。七。朝。色。漸。紅。汗。囊。漸。鬆。透。終。是。叫。喊。不。  
已。前。方。減。乾。葛。蟬。蛻。九。朝。放。白。十。一。朝。行。漿。諸。症。減。半。  
大。便。日。去。七。八。次。藥。餌。稍。緩。仍。復。猖。獗。更。加。燥。痒。痘。頂。  
穿。破。若。圈。喊。不。絕。口。悉。如。前。日。進。三。大。劑。十。四。朝。得。有。  
霽。色。十。六。朝。叫。喊。復。作。愁。楚。萬。狀。便。出。紫。黑。血。片。如。蟄。  
皮。散。瘀。血。有。一。糞。杓。卽。安。睡。醒。餘。便。思。食。身。熱。始。和。大。  
便。頓。愈。溺。猶。血。水。廿。六。朝。夜。半。驟。然。躁。亂。舌。起。一。疔。以。  
牛。黃。分。半。珠。末。三。分。蜜。湯。調。服。以。忍。冬。解。毒。湯。加。大。黃。  
錢。許。用。地。丁。煎。湯。服。及。廿。八。朝。舌。疔。卽。褪。月。餘。始。得。安。



痲約用大黃三十兩。石膏生地俱二觔半。

申明胸堂壅遏日夜無眠

胸堂乃上焦心肺之地。最輕清而邪不易犯者。然六淫惟火上炎而易及。干于心則以火濟火。而神自不寧。干於肺則金被火爍而燥自不覺。况此火更出于毒。病不止于燔灼。輕則內擾。眉宇不舒。重則內攻。如魚失水。日夜無眠。所必至矣。輕者導赤可解。重者必需攻逐。不則養虎貽患。是症施于未見。使痘可以成顆。施于已見。細碎可以退去。凡猖獗之症。在三日後內已受攻。無及矣。

附一治驗

一凌姓之兒。僅週歲。身體壯熱。躁亂不寧。如蚓在灰。痘未見而兩目昏眊。是痘象。知其毒牙壅上焦之故也。卽以涼血攻毒飲。去生地紅花。加山查地下。一劑而神卽安。日晡見痘如麻。再二劑而細碎者潛消。朗朗分珠。其祖父稱謝不已。照方用生地紅花并大桑蟲。日進二服。以一方服至十二朝。順叙收功。此僅蹊亂一項。更得治于未痘。故朝頭無其風波。

申明痰迷上竅昏悶無聲

心之氣出于肺而爲聲。其竅若管籥焉。竅爲痰迷。痰因氣閉。氣因毒滯。毒氣瀰漫。痰迷心竅。蓋心爲神明之官。迷則

神自不清。閉則聲自不出矣。詳其痘瘡。皮肉壅腫。紫滯。焮紅。壯熱氣粗者。方合是症。

附一治驗

儒山鍾去疑。元年及二旬餘。一日府試歸。見痘。昏沉不語。有疑其爲虛者。有云其爲勞者。五日矣。窠粒不鬆。盤暈。焮赤。兩頰通紅。不分界地。且氣粗壯熱之極。此熱毒上湧。清氣阻塞。心竅爲痰所迷。虛勞何與焉。以涼血攻毒。飲減紅花。蟬蛻。加貝母。地丁。日投二劑。七朝界地漸分。痘漸鬆泛。神情猶然昏憤。前方減葛根。加石膏。黃連。八朝始省人事。方知已之出痘。九朝而漿沛然。十二朝

收結遂弗藥而愈。俱以一方終始其功。

申明靜躁無定愁容可掬

凡靜則病退。躁則病進。至于似乎靜而卒不容安。似乎躁而若爲所禁。滿面愁容。凡所遇而憎惡焉。較之狂躁者更重。甚至有天柱傾倒。刻不能支者矣。痘瘡犯此。無論熱如炮烙。紫艷深紅。見其熱毒內擾。卽身體溫和。痘色黯滯者。尤見其熱毒固閉。而故身無安放也。與氣虛困倦。自是霄壤。

附一治驗

一賀氏子四歲。出痘于仲春。滿目愁容。天柱不舉。神情

躁而若倦。身不甚熱。痘點隱躍于皮膚。按之板實。板則非不振矣。且多遊蠶。不拘其數。其色乾滯。而多白點。點則非真白矣。且有椒色。問乎其中。溺血如膏。口穢若腐。則此天柱不舉。愁容厭倦。全是毒火內擾。而故情緒難支。以必勝湯減桃仁紅花。稍加蜜炙麻黃一二分。和桑蟲一大枚。日投二劑。服及四朝。身漸熱。色漸紅。窠粒亦漸起。時常乾嘔。哈舌。前方加黃連四劑。毒火湧發。驟熱如焚。盤若塗硃。天柱頓起。外加之膏。減乾葛麻黃。自七朝以至十朝。放白成漿。大便日去五六次。皆毒垢。愁容不轉。壯熱未和。飲食不進。十四朝。堆結發臭。飲食得進。



諸症平康。惟溺血未止。十八朝。仍復壯熱。泛疔。口內成疔。一方。貫至念朝外。始得全愈。

申明骨節煩疼腰如被杖

痘瘡包孕。存于腎臟。腰者腎之候也。骨亦屬腎。此地若痛。是于發動之處。便卽肆虐。烏能歷日期。待朝數。而施功于次第也。縱有良法。苦不及施。猶之迅雷不及掩耳。所以腰如被杖者。爲不治。惟于痘未見點。萌芽甫動。得以卽挫其鋒。庶可挽回于萬一。若一見點。本臟便壞。惟有待斃而已。若清溪章繼美之痘。是一驗也。

又附一症

同袍李季老一幼弟。卒然腰痛。以及兩脇兩肩骨節皆  
疼。愁楚不堪。次日卽報點于左腰。如豆大而色黯滯。又  
有數點。似痘非痘。隱躍于皮膚而多晦色。按之板實。以  
必勝湯。四劑後。窠粒稍起。而終不鬆。晦色稍退。而未紅  
潤。續出者。可以數紀。只是痛楚呻吟。晝夜不息。寢食俱  
廢。以一方服。及八朝。畧鬆泛。而得半漿。服過十二朝。病  
楚方息。稍能寢食。將就收結而愈。是症幸痘稀疎。故得  
成功。而且易。若一稠密。便如章繼美之歷盡艱難險阻  
矣。腎症之可畏也。如是夫。

申明筋抽脈惕

筋抽脉惕者。狀若驚也。筋屬肝。毒在于肝。不得尋竅而出。筋脉受其衝激。以故抽惕如驚。而實非驚。有發于未痘之先。景象凶暴。見痘卽止。此痘發于心。世俗所謂驚痘者是也。然亦非驚。此則未發已發。不時抽惕。惟懷抱者知之。傍觀者不覺。此毒不驅。肝臟受攻。肝爲血海。血海擾害。難于載毒。紅暈不著。難以成漿。囊不克溢。首尾類多咬牙。終必潰而後已。是症輕者。疏達活血。稍與攻毒。重者。重與攻毒。佐於活血。疏達。若以驚視。誤人多矣。

附一治驗

嚴璞菴老先生一孫。歲未滿週。一日壯熱昏沉。筋脉抽

揚以清肌透毒湯。加木通青皮一劑。次日卽見痘。頭額如麻。身上隱躍。以必勝湯。減桃仁赤芍生地。加當歸三劑後。細碎者漸退。隱躍者漸透。雖見顆粒。却密而不鬆。滯而不紅。胸背多遊蠶珠殼。抽惕如故。減葛根。加丹皮。每劑和大桑蟲一枚。日服三劑。至七日。頂白根絰。惟遊蠶珠殼未鬆。服及十朝。通身脹滿。漿勢沛然。獨抽惕未已。壯熱未和。而多愁楚。大便自見點。晝夜十餘次。皆毒垢。幸乳食如常。一方貫至十六朝。諸症平康。戲之方笑。以忍冬解毒湯。念朝外發出紅痲如霞。調理收功。

申明徧體炎炎

痘瘡非熱不發。非熱不脹。非熱不成漿。非熱不結痂。是元陽制化其毒。終始其功。故首尾不可無熱。然熱宜和。體宜潤。乃若如火炎炎。徧體乾灼。肆虐臟腑。蝕真氣。燼真陰。是痘瘡焦紫之媒。不論已出未出。按之若此。諸瘦是窮兇極惡之症。不可以泛常之熱而忽之。

附一治驗

臧比玉兄。一大公郎。四歲。一日徧體燔灼。面頰通紅。氣壅昏憤。以必勝湯。減桃仁紅花。加石膏。三劑後。見痘如麻。又二劑。細碎者悉退。顆粒分明。但鋪紅若錦。熱不稍減。神思復然。重以大黃五錢。生地石膏各一兩。日投二



劑至五朝減蟬蛻加犀角八朝漿足大便日出四五次  
神思始清十二朝稍思飲食有收結意盤暈猶然焮赤  
十四朝仍復泛疤轉側愁楚口内生疳一方服至十八  
朝諸症霍然方以忍冬解毒湯收功

申明四肢獨冷

四肢屬脾。惟宜和暖。固不宜熱。尤不宜冷。冷而皮薄色淡  
身涼而手足更冷者。此脾臟虛寒。元陽幾脫之象。冷而乾  
紅色滯。通身火熱而手足獨冷者。此裂毒壅遏于脾。邪陽  
莫透。火鬱則寒之象。冷之極。正熱之極也。較之炮熾者。而  
更重矣。在他症則發之而火自散。此係裂毒深藏。非攻不

透失治而脾必潰爛矣。

附一治驗

驥村嚴青宇。七歲一愛。壯熱如火。四肢冰冷。下部直過。環跳。躁亂如失水之魚。無瞬息寧靜。兩頰一片通紅。不見點粒。胸背乾紅。晦滯。皮癢肉板。主人以爲必斃。置之若棄矣。然痘在初見。毒無定位。以必勝湯。大黃五錢。連投二劑。四肢稍溫。卽加黃連石膏。每劑和大桑蟲一枚。又四劑。伏火通透。兩頰紅中泛點。四體頓熱。一方貫至。九朝。徧體克肥。粲然可觀。主人喟然嘆曰。前者兒女輩斃于痘者十數人。凶象皆未及此。是痘得痊。往者不堪。

回想矣。必竟首尾一以攻毒涼血鬆肌。十二朝漿黃如蠟。漸收漸結。十八朝諸症霍然。痂落收功。嗣後口腹生疔。兩目腫赤多淚。以撥雲散去木賊。加牛旁位參。天花全愈。約用大黃二十餘兩。石膏生地各二觔。大桑蟲四十餘枚。

申明通身汗湧

陽虛則自汗。汗多則亡陽。而有虛脫之患。孰知痘瘡有陽極而汗湧洩者也。人身水火不容偏勝。水勝則火熄。火勝則水沸。烈火燔灼。五液沸騰。液有出于毛竅者爲汗。此五液之一也。火擾于內。而汗自洩。是汗之爲火逼可知。有汗

如淋者。火之極也。其症通身燼赤。燔熱氣粗躁亂。是其  
驗之。火盛卽毒盛。故氣虛而毒盛者有之。未有血熱而毒  
輕者也。火毒相併。血遇必瘀。血至于瘀。而內有不潰者乎。  
其攻自不容緩。

附一治驗

乙未。吾郡張太尊一公子。歲未滿週。一日身熱如火。汗  
如雨下。左眉稜掀腫如挑。愁楚不寧。而有痘象。乘痘未  
見。毒無定位。時卽以必勝湯。減桃仁。紅花。葛根。地龍。加  
石膏。丹皮。羌活。連投兩小劑。外以牛黃半分。珠末一分。  
調入化毒丹三匙。密湯調送。分爲兩服。次日見痘。頭額

細碎如針頭。悉如前服。又次日細碎者俱退去矣。而汗亦收。顆粒分明。第膚赤如霞。熱仍火熾。愁楚復然。惟喜乳食能進。一丸服。又六朝。頂上木系。沙虫。八草。之。飽滿。熱勢不減。眉宇未開。九朝迅速收痂。耳聾便起。一毒如雞卵。照原方用桃仁紅花十二朝出膿。背上腰胯隨起四毒。通如前劑。并化毒丹。至十六朝亦俱成膿。平復相繼。又起大大小小十數餘瘡。更多惡色青紫如傷目之可畏。以金銀花赤芍地丁貝母羌活牛旁當歸佐參甘菊甘草仍合化毒丹。服至廿四朝而始收功。是痘熱法。名爲火裏苗。毒先于痘。名疙瘡塊。令不早。痘其



焦紫內潰矣

申明頭汗如蒸

頭汗如蒸者。通身焦燥如炙。惟頭面汗若籠蒸也。緣烈毒湧于肌表。壅塞氣道。而致表實。然五液却沸于內。滲洩無門。以故身燥如炙。火性炎上。兼之不容旁達。僦尤上竄。汗之所以上湧若蒸也。頭爲諸陽之首。輕清最上之位。邪陽不易犯者。又一身之樞紐。痘瘡吉凶之準。邪陽更不宜犯者。而汗若此。五內可知。前人所以謂毒參陽位者死。是汗居其一也。尚有并頭面而不得洩者。面反青黯。兩目徬徨。悶亂喘急。此又立刻待斃者矣。

附一治驗

白菴陳老先生三歲一愛一日驟熱如爐燥炙如烟惟  
要額汗如雨可至眇自具熱于太陽兩夾女相皮紅而  
黯滯連成一片不見點粒通身稠密乾紅口渴煩燥徹  
夜無眠第幸在初朝毒火雖熾尚可撲滅以大黃生地  
黃連紫草地下佐以木通荆芥丹皮牛旁山查青皮赤  
芍日服三頭汁次日汗收面熱減半前方減黃連加蟬  
蛻并大桑蟲服及四朝兩頰紅中泛痘色漸光澤神情  
未舒胃氣閉塞前方每劑調牛黃半分日投二劑七朝  
頂白根紅神情半爽身復壯熱仍用黃連減蟬蛻桑蟲

守此一方。成漿結靨。至十六朝。邪毒退聽。正氣康復。癩痕尚燥。幾及一月。復發血瘋。瘡以忍冬解毒湯。加生地黃。連赤芍。減紅花。又一月而全愈。

### 申明毒湧掀腫

痘有毒盛。氤透于外者。肉地卽腫。必因痘腫而腫。囊必綻突。色必紅潤。若邪廓則平。痘色則滯。肌肉掀腫如吹。按之板實。此一身領毒之氣。悉爲毒鋼。一任梟毒衝突于身。所難療。肉腫痘不腫者是也。此毒不驅。七日必至內攻而斃。

### 附一治驗

復菴慎老先生一長公。字其章者。九歲時。痘烈熱如焚。  
 紫滯乾紐。窠囊平板。無一隙地。通身掀腫如吹。四躰強。  
 直如鑄。仰臥而不能轉側。猶如捆綁。痛楚非常。叫喊不  
 已。此梟毒烈火表裏俱狂。以大黃八錢。石膏兩餘。生地  
 兩半。黃連三錢。佐以清喉鬆肌透表活血。更以猪尾膏  
 調入。蓋餘。日換二劑。六朝勢不稍緩。時值炎天。畏熱如  
 爐。以藤席鋪地。以安之。猶云背下如火。外取三七草搗  
 自然汁。用鵝翎以拭之。仍以前方服。過八朝。景色如故。  
 計無所施。將溘雞矢。習色而有尖頭者。和六一散為細  
 丸。又用六一散和冰片二釐。研勻為衣。燈心湯送服。逾

時身振體戰。臭汗如漿。霎時湧出。大黑螺疔。於肩背四肢十五六處。烈熱頓和。痘卽肥紅光澤。方得屈伸轉側。終是愁楚未開。水米不粘。尚屬可畏。其疔卽以銀針挑破。用臙脂膏貼之。仍以原方首尾一轍。而得成漿收結。痂落收功。二十朝外口復生疔。尻骨又生癰毒。一僧治之而愈。

申明疔瘡塊

痘瘡輕淺者。萌芽發動。氣領血載。從容散布。不但顆粒分明。界地亦不連。其色若重而急者。朕兆一萌。毒鋒如射。或上竄。或旁湧。任其毒之所至。擁突如桃。形如癰毒。是謂疔。



瘡塊痘未及見。毒先湧發。驗其身熱如炮。神情躁亂。哈舌  
不已。叫喊不止。更合之。兩目昏眊。肉聾筋惕。是其症也。若  
以尋常癩毒視之。則誤矣。

附一治驗

朱嘉直兄一公郎。一日熾熱煩躁。愁容萬狀。腦後先起  
兩毒如桃。不知其爲痘之疔瘡。魄也。嗣卽見痘稠密。乾  
絀。僅不細碎。然窠粒不鬆。以必勝湯加佐參。自二朝服  
至七朝。大便日出四五次。色漸肥。絀囊漸鬆。泛。神情頗  
安。大有行漿之勢。弟壯熱未和。一老嫗謔曰。痘子惟恐  
脾胃不實。反用大黃。宜他令痘根俱泄出矣。相公當自

有主意果惑于其言遂中止兩日漿亦中止神情復躁  
熾熱更甚頰頰乾嘔頭面破傷幾半口穢若腐唇口焦  
裂徬徨之極復邀余視余諭之曰中氣果洩無論別症  
有不頭溫足冷者乎何以其熱更熾耶急以前方加黃  
連減蟬蛻其破傷處以藥胭脂貼之至十一朝破傷復  
灌通身漿亦復行兩疔瘡併成一大疔黑硬成坑亦以  
胭脂膏貼之越三日其疔腐爛膿漿旁溢軟絹拭乾重  
貼十六朝漸爾收結胃氣漸開諸症漸得平復其疔至  
廿朝外收疤首尾以一方成之口内生疔終以清熱解  
毒收功

申明預封預腫

痘至五日期起脹光壯。面因痘脹而腫。眼因面腫而閉。此勢之必然者也。痘若平而不起。板而不鬆。惟皮肉掀腫。目胞擁合。此梟毒騰湧。不受氣領。不爲血載。惟毒縱橫。是亦毒參陽位之一症也。前人所以謂面目預腫者。不治及早攻之。容或可救。

附一治驗

一友許君幼時見痘。細如針砂。頭面掀腫。未及兩朝。而眼卽矇閉。熱如炮熾。愁楚之聲不絕。以必勝湯加黃連石膏。連投三劑。卽大解七八次。而細碎者悉行退去。兩

目仍開。熱亦減半。痘雖成顆。尚頂陷不鬆。乾紅未潤。前方減黃連石膏服。及七朝。囊鬆色潤。眼封鼻塞。八朝有放白行漿之勢。未得沛然大便。約去二十餘度。始如膠漆。繼若清水。乃尊疑其虛滑不禁。果爾痘變灰白矣。尚嫌伏毒鬆而未暢。故下利清水。暢則矢必黃結矣。仍以前方服。及十朝。漿足胃氣漸開。十二朝。神情開爽。大便秘。頭實收結而愈。後左小股發一餘毒。以忍冬解毒湯收功。

申明紅絲遶目倒豎睫毛

紅絲遶目者。有血絲遶于睫毛之下也。睫毛倒豎者。眼瞤

毛根根如針簇也。此伏毒衝擊于脾之使然。各臟凡有伏毒。卽是惡症。至於脾最惡矣。僅在兩腎之上。却是心肺肝部之下。毒愈下而透愈難。脾受衝擊所屬之地。自失其常。所以睥毛倒豎。血絲遶目畔也。較之腹痛唇腫等症。殆有甚焉者矣。是屬毒參陽位之一症也。

附一治驗

箬溪高翊老一公。卽痘頗勻。朗明潤粗壯。道中一夜。目之爲順。投以平和升發之劑。主人以夜不成寐。身體甚熱。爲慮。不知更有血絲遶于目胞之下。睥毛倒豎如餘。可慮更甚。若壯熱不寐。又其次矣。喜僅在三朝之內。猶



可攻逐用大黃三錢佐以赤芍紅花地龍大桑蛀餘不  
免鬆肌透發之類服至五朝血絲漸淡而眼合壯熱稍  
和十朝漿足肥濃攻發似乎可已茅兩太陽未脹毒根  
猶未盡徹神情未爽恐虧一簣大黃與桑蛀服過十三  
朝方得如意而回

申明痘如蒙垢口穢噴人

痘如蒙垢色近千灰灰而囊薄色白者此氣血不足虛之  
甚也灰而黯滯囊老板實此氣血爲邪毒壅滯不能煥發  
其華色愈黯者其毒愈深若兼之于口中穢氣令人難近  
此毒固盛而烈火尤內燄者也不可據其似而失其真也

附一治驗

一宋姓者三歲一子痘頗磊落綻突而根無盤暈其色則晦滯灰黯宛若爲塵垢所蒙體不甚熱口中穢氣滿。懣躁亂不寧此係熱毒過鬱于內故見症乃爾身體則不熱也是病在血而不在氣以大黃紅花紫草赤芍丹皮地丁荆芥山查牛旁自三朝服至六朝色漸紅活亦漸安八朝頓熱如火穢氣減半頂白根紅減紫草紅花赤芍加生地黃連九朝漿成迅速寢食漸復以忍冬解毒湯調治收功。

申明發始咬牙

關牙有血虛。有執毒。大都漿後者屬血虛。漿前者屬熱毒。然漿後而猶因執毒者有之。未有發始而血虛者也。往往有痘方二三日而便關牙者。有見點而卽犯此者。更有痘未及見。一發熱而相戛作聲者。無論痘未及見。就在放標透點時。血初定位。縱血虛之人。血亦何自而虛。致齒失其養耶。明是毒火肆虐。不必參合形色。內症自是燎然。

附一治驗

一 張氏之室。年十九歲。忽然壯熱如烙。喉間刺痛。不能嚥津。咬牙不已。神情躁亂。次日卽見痘。如針砂。色似胭脂。道中一望而去者不一矣。其症雖惡。以其尚在初期。

毒無定位。以大黃石膏各五錢。生地七錢。餘佐以荆芥地丁丹皮赤芍乾葛。依參牛旁木通甘桔。用蘆笋兩許煎湯代水。日投三劑。次日三朝。頭面卽顆粒分明。前方更用桑蟲一大枚。五朝色轉肥紅。七朝放白。九朝漿勢沛然。咬牙方止。熱猶火熾。僅咽稀粥。碗許。猶苦難吞。十朝頭面堆積愁楚未舒。十二朝血收氣足。回膿結靨。發臭難近。飲食大進。諸症悉愈。首尾以一方成之。

申明發始弄舌

舌者心之苗。心寧則舌寧。心擾則舌亂。心固象離屬火。雖若易動。然下交于腎。得坎水相濟而成。其爲火者。故爲君。

火當寂無所觸。其何弗寧者。惟是邪陽烈毒。衝突其經。以火濟火。二火相併。其苗自不能寧。痘瘡自內達表。非火不透。痘之順者。其熱溫和。客火不熾。於心何犯。即使險者。因逐毒而壯熱者有之。熱因逐毒而壯。猶爲發揚鬆透之火。於內亦不擾。擾則險而逆矣。烈毒內炎。燔及少陰。非躁亂無聲。卽叫喊不已。非躁熱如爛。卽汗出如油。痘隱隱于肌肉之間。非紫艷。或礬紅。症難悉舉。類多如此。弄舌其能免乎。是症燔熱者攻而涼解。隱伏者攻而散達。斯得之矣。

附一治驗

金友張兄一公郎二週癸巳季冬。忽一晚身熱躁亂。咬



牙弄舌。痘象迭呈。以清肌透毒湯。加大黃牛旁青皮時  
值初寒。佐以炒黑麻黃羌活。二劑後。鼻毒騰湧。躁亂更  
甚。兩目徬徨。啼號乾嘔。筋抽脉惕。大便傾瀉如注。此熱  
毒內亂。下注大腸。不容傳送。而故湧泄也。乘痘未見勢  
雖猖獗。毒未內攻。因勢而利導之。是攝萬象于兩儀。關  
竅在此。前方減羌活麻黃。加丹皮地丁。木通三劑後瀉  
卽止。諸症未降。以衝突之勢稍緩。不至奔騰下注耳。所  
謂大黃能止瀉。信不誣也。見標數點于左額。細如針頭。  
當喉十餘點。犯鼠跡咽關。照前方倍加大黃。昏眩參每  
劑和豬尾膏盞許。大桑蟲一枚。日服二劑。次日三朝。天

庭清楚。但是不鬆。地角細密。卽以胭脂膏貼之。右顧不成點。身幸分玳。其間遊蠶珠殼者。不計其數。悉如前方。至五朝。弄舌止。右顧方見點。口內脫皮。乳不能吮食之。以熟紅棗不變而出。大便復去五六次。以全體惡毒湧發。火性奔騰。不暇分消。而故直出。是謂邪熱不殺穀。前方減葛根加白芷。七朝痘漸肥紅。八朝右顧及遊蠶珠殼俱起脹。大便去黑垢甚多。如膠如漆。日進米糊二三碗。兩太陽未能起脹。以毒根未盡透也。日服大桑蟲四枚。猪尾膏盞許。前方減蟬蛻。加山甲生地。十朝通身漿足。次日漸漸收結。大便復止。寢食俱安。聲音不亮。間或

咬牙前方減山甲大黃及半。加金銀花甘菊外以牛黃  
半分。日服兩次。十四朝諸邪退聽。調理收功。是症始終  
以攻毒疏透爲主。補拓收斂。毫不與焉。卽寒涼之味。亦  
不相及。以熱毒深藏隱伏也。痘本凶暴無倫。朝頭無甚  
風波。末路得無餘症。皆得早圖之力也歟。

申明兩頰通紅痘無一點

兩頰係一身痘瘡之主。氣血領載之會。先於此地透發。後  
及其餘。見氣得其暢。故領毒而先後不紊。得於此地分根。  
不連其色。見血得其和。故載毒而盤暈圓淨。若一片通紅。  
是血被火灼而旁溢。毒不受載矣。不見點粒。是氣被火蝕。

而過臂。毒無所領矣。氣血俱爲陷害。僅以涼血升透。成何濟耶。

附一治驗

蔡文清兄。五歲一愛。忽一晚。躁亂如酒。轍之魚。旣卽昏。憤。面如土色。兩目失神。若立刻可斃者。以大黃羌活青皮。紅花。蟬蛻。薑蠶炒黑。麻黃。荆芥。穗木。通山。查連。投二劑。次日神情稍醒。兩頰通紅。身上見痘數點。照前方減麻黃。薑蠶。加丹皮。地丁。赤芍。和猪尾膏半盞。三朝身體壯熱。人卽醒豁。兩額隱隱見點。如針砂。額下稠密。近于托腮。卽用胭脂膏封之。身間珠殼甚多。喜磊落成顆。但

嫌乾紅少潤。前方去羌活。加黃連生地。每劑和入一大  
桑蟲。四朝顴即清楚。五朝色轉紅活。鼻塞眼封。七朝珠  
殼起頂。食薄粥一茶甌。大便日去三四次。九朝頭面堆  
結。身上漿滿。壯熱未和。腹痛異常。愁楚不能轉側。倍以  
大黃。臨服調入化毒丹。二三是。十二朝痛漸緩。漸得轉  
側。飲食大進。以忍冬解毒湯調治回好。

申明湧出如針

痘瘡形成于氣。毒受氣制者。出必漸次。雖密亦分珠圓綻。  
以毒輕鬆而氣得以拘領也。毒若雄猛。則氣不能領。一任  
毒之奔騰。所以湧出而不得漸次。氣更不能拘。一任毒之



縱橫所以細碎而不成顆粒。痘之蛇皮蠶殼皆由于此。痘斃在七朝。本無治法。惟于放點之初。見其攢簇不成顆粒者。速卽攻之。令洶湧之勢。大挫其鋒。遏鬱之氣。得伸其令。庶乎密者可以轉稀。疎細者可以轉磊落。此真稀痘之秘訣也。但當治之以早。是痘令一越宿。毒卽有定位。三日內攻已成。牢不可破矣。儘有一見點而攻不退者。必至蛇皮蠶殼亡之。其命也歟。

附一治驗

錢粲老一公郎。忽身熱如烙。次日痘卽一齊湧出。細若針頭。自頭至足。渾無隙地。色滯乾紅。時時乾嘔。徹夜無

眠以大黃爲君。佐以青皮。山查。荆芥。地丁。蟬蛻。赤芍。紅  
花。紫草。黃連。木通。臨服和猪尾膏一盞。連投三劑。第二  
日兩頰卽成顆粒。但界地未分。至三朝通身亦分珠磊  
落。第壯熱未和。乾嘔稍稀。前方加生地。五朝肥紅光澤。  
熱勢減半。前方去蟬蛻。黃連加甘草。八朝放白成漿。稍  
思飲食。去紅花。紫草。猪尾膏。加連翹。九朝復壯熱。大渴  
時或咬牙。仍加黃連。重以生地。石膏。十二朝諸症漸退。  
寢食漸安。方以忍冬解毒湯調治收功。約用猪尾血一  
碗餘。

氣得其暢。包血成圓而鬆透。血得其和。附氣成暈而紅注。  
人此自平陷歪邪。乾紅滯色甚則其黑碩矣。以見梟毒縱  
橫。氣血瘀滯。可知散見且凶。况報痘乎。希冀挽回。豈徒事  
升發之謂歟。

附一治驗

閔佺木兄一公郎報痘于脊。黑陷歪斜。按之板硬。餘痘  
隱躍于皮肉間。點粒甚細。色滯乾紅。躁亂不寐。體不甚  
熱。速將母痘挑破。以胭脂膏貼之。用必勝湯減生地服。  
四劑後。報痘圈卽鬆白。盤卽紅潤。中心尚黑。餘痘透發。  
成顆。未能光壯。照方用生地減桃仁。乾葛加姜蚕。每劑

和大桑蠶一枚五六粒起綻如珠主痘成漿如爛頭癩  
神情未快飲食未進九朝漿足飽滿寢食得半十二朝  
收結俱得霍然方用解毒養榮調理收功

申明紫背浮萍

痘之色血之色也血和紅而能潤血熱其紅若絳矣熱劇  
則紫紫黯則血瘀矣至如紫背浮萍較之紫黯不更甚乎  
緣爲血被火炙榮失其榮致色乃爾更受逼殞血失其位  
致見此症古人棄之不問若在初見其血瘀而未死及時  
破滌瘀毒得活其癍漸淡漸退儘有可活者僅以活血之  
劑而希治之必至麻木而已

附一治驗

閔明生兄四歲一愛痘頗稀疎顆粒細結俗呼爲石痘者是也兩頰界地不清周身乾紅晦滯至胸腹間徧滿此痘眉愁腹痠寢食不安身不甚熱以必勝湯煖生地加紫草每劑和猪尾膏半盞日服二劑至五朝顏色漸淡兩頰漸清前方減葛根蟬蛻用生地當歸九朝其痘悉退漿甚克滿腹痛頓止照方減桃仁紅花并猪尾膏次日收結甚速身體反熱十一朝根盤復泛兩顴疤內纍纍重出二痘但神情爽朗不爲槁朽仍用大黃蟬蛻赤芍金銀花荆芥當歸牛旁地丁山查服至十五朝牛



漿半。盛糊。模收結。嗣以忍冬解毒湯全愈。

申明蚤癩

蚤癩者。有。點。不。成。顆。有。粒。無。盤。暈。似。乎。蚤。疤。名。爲。蚤。癩。點。子。雖。同。但。蚤。疤。鬆。而。散。此。則。斂。而。結。其。色。紫。其。點。細。較。若。紫。背。浮。萍。其。勢。畧。緩。亦。以。血。爲。毒。癩。外。見。此。癩。內。癩。不。破。必。然。內。潰。是。亦。不。治。之。症。也。

附一治驗

庚辰。臧。比。玉。兄。三。歲。一。公。郎。一。晚。徹。夜。躁。亂。兩。眼。矇。籠。次。日。發。出。一。身。蚤。癩。按。其。體。膚。頭。溫。足。冷。神。情。昏。憤。是。毒。伏。藏。于。內。血。受。其。殃。疑。結。成。癩。外。呈。此。象。幸。在。發。始。

庶可破滌。此癩一活。不惟毒透。并火亦鬆。以必勝湯。生地換歸尾。用大黃五錢。桃仁三錢。服過六劑。癩不見。退痘不見起。更佐猪尾膏。蓋許。并大桑蟲。和入劑內。以助之。服過十一二劑。癩漸淡。漸退。而痘方見。點三朝。卽齊。痘可數紀。蚤癩悉退。無餘。神情終不開爽。乳食點滴不進。前方減葛根。蟬蛻。服至八朝。痘將收結。景况依然。大便日去十數次。如藥水。終是藥力未克。守前方服。及十二朝。痘癩悉褪。胃口只是不開。若謂胃氣受傷。何以痘能透發。以至落癩。若謂癩落無恙。豈有絕穀得生者乎。熟思其故。是病本惡。餘邪自未能淨。力主前方。直至十

六朝胃氣頓開。神情始快。大便卽止。以三歲小孩。大黃約用。勦許而得收功。以見有病病受如此。

申明貫珠攢簇怪痘

痘不在乎稀。得勻朗散布。雖多何害。若連串貫珠。有形相似而雜乎其間者。若堆聚攢簇。有象可名。而間乎其內者。有一于此。空地雖多。亦何取焉。須知梟毒深藏。氣血錮閉。毒無領載。痘不得透。故多隙地。內却受其殃。其貫珠攢簇者。梟毒衝突。氣血不能駕馭。一任毒之縱橫凝結成條者。外見連串貫珠。團結成塊者。外見堆聚攢簇。誠中形外信不誣也。是毒頑而不鬆。伏而不透。猶賊之巨魁也。此毒不

治諸痘皆爲抗拒。治不以攻。治之何益。巨魁授首。前途不戰。有倒戈之勢。然世於貫珠者。習矣不察。而多忽于攢簇者。歸咎于命。而棄絕焉。興言及此。亦慘甚矣。庶狀其圖象。或得觸目經心。詳其治法。或得挽回萬一。未必無小補云。

### 遊蚕

是痘貫珠成條。其形如蚕。故名遊蚕。有稀密有長短。身上者輕。頭面者重。身上短而稀。所見無多者輕。長而密更繁。多者重。重則必攻。令鬆透如一赤豆茨。其毒方起。

### 燕窩

是痘攢簇。象似燕窩。而名者也。單見尙重。見而不一者不治。急攻之。務令鬆透。如餅。其毒方化。以油胭脂調入。化毒丹。用綿紙攤貼。更佐以猪尾膏。大桑蟲。

# 疊錢

是痘圓圓攢簇絕不成點錢許之大故名之也。僅見二三

者。重多身者重。重則必攻。以藥明暗膏封貼。更和猪尾膏。大桑蟲于劑內透之。令毒如蒸餅。其毒方透。

# 鼠跡

是痘或四五粒或六七點。相簇如鼠跡。故以是名。無多者輕。見于周身者重。重則必攻。令相併成泡。其毒方鬆。劑內調入化毒丹。并猪尾膏。

# 雁行

雁行者。狀似遊蚕。但曲而甚長。以其排行而若雁字也。單見者功重不一者更重矣。攻之鬆若遊蚕而毒化矣。

# 瓢沙

瓢沙者。其痘扁濶歪斜無頂。無盤。有細點如沙。攢簇于囊。宛似瓢沙而名之也。可以數紀者輕。徧及者重。重則必攻。務令高擡。如茨實殼。其毒化而成漿。




# 珠殼

珠殼者其痘有頂而平四圍貼附一細圈宛如珠殼無多者輕及于周身者重重者必攻務令圓滿綻突其毒乃透




# 蟹爪

蟹爪者貫珠連串粒細一粒尖稍有隱隱黑絲如髮竟與蟹爪無異無幾者輕繁多者重重者必攻其形統脹成條而毒盡洩矣




# 鳥跡

鳥跡者連串三條頭簇脚開其痘若鳥之跡也單見者輕五六處者重重者必攻亦如遊蚕懸透為準



# 蛇皮

叢簇成片散漫無拘形似蛇皮而名之也見此不治或見點之初燈下照之隱隱簇簇細密垂倫將形未形之際即便攻之佐以猪尾膏破之不使其成庶可有為



# 履底




履底者形似蛇皮不若蛇皮散漫耳。隨處皆凶。其形得小更得早圖。庶可有為。速以猪尾膏和人攻毒劑內。并大桑蟲透之急。以藥胭脂膏封貼。令得膿水淋漓。方能慶生。

# 螺疔




每頭大根尖。頂黑。形若螺肉。透入于肉裡。有大小。有深淺。按其四圍板硬。治法見于餘毒。若放點時。而即見者。最惡。先以挑鬆。即將應服之藥。大人含于口中。吮其數次。隨用匙

# 蟾窩



蟾窩者較疊錢而更大也。另別其名者。其形大。其毒亦更重也。即屈指無多。毒已不淺。攻之自不容已。佐以大桑蟲猪尾膏。外亦以藥胭脂貼之。得鬆泛平。擗方可成膿。

# 紫背



疔之形似萍。其色似萍之背。紫而帶黯。有大有小。目之有。點。手按無形。無幾便重。繁多者。莫救。急宜攻毒。破癰。務令漸淡。淡而退去。方可回生。必須早圖。

# 環珠

是痘連串環連故以是名有  
臂因錫阻痘卽如錫而透者  
有項以圈繫痘卽如圈而聚  
者于臂稍輕于項則重因阻  
猶重無因更重不特項臂爲  
然頭身亦有之凡見宜攻

## 遊蚕治驗

吾宗漣漪四歲一愛身熱如火神情昏憤兩頰通紅鼻  
衄成流身上隱隱數點色滯乾紅以必勝湯減紅花地  
龍加位參二劑後紅中泛點細碎如麻周身稠密如鋪  
而多遊蚕珠殼亦間乎其間前方服至三朝兩頰界地

未清却成顆粒滯色畧轉每劑和大桑蟲一枚六朝滯  
變爲紅色猶如絳唇口腫裂前方減蟬蛻葛根加黃連  
石膏七朝放白珠殼泛頂九朝遊蚕統脹成條時或咬  
牙腹痛熱猶火熾十一二朝頭收斂而痲燥身漿滿而  
盤暈猶赤神情尙困而未舒以一方貫及十六朝發臭  
異常二十朝諸症頓愈寢食得安而收全功後左眼赤  
痛多淚以揆雲散治之得痊

螻窩治驗

張又卓兄一小公郎方一歲一日壯熱如烙徧體如霞  
痘不甚密色滯而平有螻窩見于手背神情愁楚不時

叫哭。是腹痛使然。以消癘快毒湯。加大黃。臨服和桑蟲一枚。日服一劑。手背以胭脂封貼。六朝震色。清愁眉散。手背鬆浮。泛白。七朝氣尊血附。俱放白成漿。熱勢減半。去大黃。蟬蛻黃連。如連翹。佞參。日服一劑。十二朝回好。

### 查錢治驗

一錢氏子。四歲痘在五朝。唇裂。掀腫。體熱如火。頭面稠無隙地。身上疎朗。板實。礬紅。四肢胸脇。查錢者不一而足。躁亂不寧。以涼血攻毒飲。加山查地丁。減犀角。和桑蟲一枚。日服二大劑。更以金汁。日服盞餘。外用胭脂膏封貼。至八朝。鬆泛如蒸餅。十朝通身漿足。十二朝發。



臭收結十四朝身熱始和寢食俱安方易忍冬解毒湯  
收功

珠殼治驗

韓尺龍兄一公郎六歲乙未仲夏一日忽體熱如爐頭  
面通紅神情昏憤見痘稠無餘地僅不細碎盤若塗珠  
內有珠殼幾半以涼血攻毒飲倍生地大黃去紅花紫  
草加依參地丁四朝加黃連每劑加大桑蟲一枚五朝  
神情清爽七朝珠殼皆透減蟬蛻葛根桑蟲九朝漿足  
十朝紅暈漸淡飲食漸進頭面收結十二朝壯熱方和  
遂去大黃減生地及半十六朝回足如此血熱不段帶

火成癰。爬肌拆肉。大黃生地荆芥之力不淺也。後以忍冬解毒湯調治。落痂未久。腠理未固。餘毒亦未能盡淨。見風太早。忽爾昏暈。急以疏風消毒飲而愈。

鼠跡蘆沙治驗

吾宗憫如一子。一日身熱如火。汗出如油。神情困苦難支。似痘非痘。數點隱隱于頭面。色滯乾紅。痘本是而若非。且熱如火。汗如油。非惡痘不爾。以清熱透肌湯未用生地。加大黃二劑。後次日頭面細碎如麻。身上見點處若集。隱伏處若無。此氣爲毒滯而通塞不均也。又二劑頭面顆粒分明。色亦覺潤。汗卽頓收。徧體湧出。內間鼠

跡。黻沙。難以數紀。囊窠不鬆。色近于白。此血爲毒鬱而  
未著。非血虛白也。不則有一體兩局者乎。前劑每服和  
大桑蟲一枚。五朝窠脚漸鬆。囊頂未起。色轉深紅。神情  
得定。熱不稍減。前方更以生地。加黃連石膏。至九朝頂  
綻。食稀粥碗許。十一朝鼠跡與黻沙俱得。統脹如泡。而  
漿俱濃。十四朝盤量始淡。頭面收結。十六朝身得溫和。  
胃氣日強。方易忍冬解毒湯。調治至二十朝。收功。弗藥。

鴈行治驗

有一段氏子。三歲見痘。三朝兩額細如蚕種。背多鴈行。  
更有黻沙。間乎其間。椒紅其色。叫喊不已。熾熱如焚。以

清涼攻毒飲。和桑蟲一枚。日照二劑。四朝顴卽成。羸六朝色卽紅活。八朝怪象俱統。脈放白。十朝漿足。猶然愁楚。不能進食。一方服。及十四朝。眉宇方舒。得進飲食。身體溫和。一朝霍然。收靨落痂而愈。

蛇皮治驗

一女年及十四歲。倏爾身熱如火。神卽昏憤。兩眼如畏刀鋸。徧體如霞。痘未及見。死期若將至矣。卽以大黃石膏一兩。生地七錢。佐以荆芥。赤芍。青皮。葛根。木通。牛旁。日投三頭汁。次日午後見痘。細似泥沙。色似礬硃。通身無一隙地。前方又服四劑。卽成點粒。却稠密如鋪。方叫

腹痛。畧知人事。大渴不已。揭衣棄被。前方加黃連犀角。生地兩半。并大桑蟲。服至九朝。始得紅潤。周身起脹。十一朝。貫漿連成一片。如松皮。不能轉側。大便日去四五。次水米不沾。十四朝。發臭滿室。頭將收結。唇黑如煤。身若寒戰。熱仍如火。一方貫至十六朝。頓思飲食。夜卧得半。熱渴稍減。二十朝外。痲成一片。如蛻一殼。得脫此難。方易。忍冬解毒湯。月餘全愈。約用大黃觔半。生地石膏二觔餘。是痘得治于未見之前。更得首尾一徹。庶得挽回。若令見點。其勢便成牢不可破矣。



中介閔老先生三公郎方半週痘出稠密如鋪色滯乾紅窠粒平板內多蟹爪身體壯熱脈惕筋抽時在二朝以鬆肌透毒散加大黃七分和入桑蟲錢許一枚日服二頭汁次日粒數卽磊落四朝紅潤八朝鬆泛九朝行漿遂減大黃十朝安睡乳食如故大便如常收回而愈

燕窩治驗

徐明涵一孫身熱如火燥炙如爛兩頰通紅頭面胸腹肩背四體痘密無容針之地頂陷囊實乾紅紫滯叢簇象燕窩者在于大股大便日去三四次始事者以斷無生理而勇退矣余取其囊厚色老雖密成頗可冀者此

耳以大劑必勝湯用大黃五錢生地兩許加石膏兩半  
每服和一大桑蟲日進二劑服及六朝頭面起脹眼封  
鼻塞八朝胸背鬆透色轉紅活頭面成漿十朝燕窩統  
張如蒸餅身漿亦足第熱猶火熾愁楚未舒自膝至脛  
猶紫滯不鬆至十四朝腐爛作臭漿及足脛邪毒盡發  
于外寢食頓復方易忍不壽毒湯成痂落靨至十八朝  
取功弗藥用大黃一筋生地石膏二十餘兩痘後大便  
但嫌燥結

烏跡治驗

吳大雍兒二公郎八歲患痘頭粒頗朗有烏跡其形于

肩背。漿多珠殼。囊窩通身平實。乾紅色滯。烈熱如炮。愁  
容可掬。云胸膈煩悶難堪。以涼血攻毒飲。重以<sub>一</sub>大黃加  
石膏地丁山查四劑後。胸膈漸寬。滯色漸活。第紅艷若  
絳。前方加黃連并大桑蟲。每服和入一枚。又六劑頭面  
通身起脹。鼻塞眼封。雉鳥跡與珠殼未鬆。毒根猶未透  
也。更倍以<sub>一</sub>大黃地丁加山甲。至八朝珠殼者圓綻如珠。  
鳥跡者統脹成條。九朝膿漿克滿。飲食大進。太使不週  
三四次。終是燔熱不減。紅暈焮赤。前方減山甲蟬蛻紅  
花。倍以<sub>一</sub>石膏生地。服及十朝。熱漸減。赤暈漸淡。頭漿斂  
而身漿徧減。石膏大黃十二朝收。痲過半。險變順矣。是

晚徹夜不寐。氣粗頓悶。腹脹如鼓。變出意外。若以爲伏毒未盡。而囊無不綻。漿無不滿。若以爲餘毒歸內。而血收已盡。痲厚而肥。決之于脉。氣口洪滑有力。知其飲食停滯。究之果然。以寬中透毒湯。減陳皮。加萊菔子。大腹皮。外用山查二兩。麥芽一兩。煎湯代水。服二頭汁。腹卽轉動。隨解而寬。嗣以忍冬解毒湯。調治收功。

頭面遊毒治驗

同袍鍾徽老。九歲一公郎。見痘一朝。體不甚熱。囊窠不鬆。不實。痘色不潤。不乾。痘頗疎朗。似乎險中之順。及神情則愁楚異常。云胸膈鬱悶。目睛昏定。身無安放。此伏

火伏毒之兇象也。以必勝湯去桃仁生地連投二劑。次日顫上發起寸許血絲兩條。一橫一直。如反手丁字。此非尋常血絲路也。貫珠而未能透耳。更以猪尾膏每服和入盞許。又二劑。至晚漸粗如線。繼而更粗如芥。仍以前方和大桑蟲每服一個。五朝方透點于血條。密搗二十餘顆。遊蚕最惡者也。身體大熱。紅暈如硃。胸膈稍舒。原用生地減紅花葛根蟬蛻加黃連石膏。大便日去五六次。飲食未思。至九朝諸痘峻頂。放白成漿。其遊蚕亦統脹成漿。纔撤猪尾膏。寢食得半。熱勢未減。前方服及十二朝。胃氣大開。夜卧甚熟。體漸溫。和漸次收結。而且



嘻笑自若矣。前方減大黃石膏黃連加金銀花貝母。次日忽然昏暈。神色俱變。按脉無影。變出意外。然以如是收局。自非隱毒攻心。尤非真元虛脫。須知遊蚕既見于頭面。而第見血絲。越三日而後見點。此毒沃而又深。故前局乃爾結局。亦自宜有此變。餘毒驟湧。一時難以發洩。是胃悶之使然。猶傷寒胃汗之象也。仍以發始前方。連投二大劑。發出如芥。如麻。血疹一身。卽時開爽而安。又以消斑快毒湯二劑。嗣以奏凱和鮮飲。調理全愈。喜主人明理。始末信從。不則未必不致虧于一簣也。

履底治驗

有馮其姓者。江右一遊客也。年踰不惑。一日壯熱煩渴。日紅腹痛。冲冲欲嘔。疑以感寒。烹茱萸湯一碗下咽。俄頃煩渴倍甚。吐出血水碗許。內有血絲。邀余診視。其太陽有二三點。是痘顆粒不鬆。乾紅色滯。余曰。兄痘矣。此翁愕然曰。痘果未曾。今在客館。奈何。余以無恙慰之。連投消癍化毒湯。用大黃三錢。二劑後。湧出一身。細者半粗者半。紅艷如硃。稠密如鋪。熱更如炮。倍以大黃。又加石膏。并生地。俱兩許。臨服和猪尾膏半茶甌。日投二劑。次日三朝。痘卽疎朗。細碎者不知從何去矣。色亦可觀。煩渴減半。而熱仍熾。有履底者三寸長。寸餘濶。見于兩

小股按之板實而痛以胭脂封貼前方配大桑蟲每一  
服一枚六朝眼封鼻塞八朝行漿履底鬆擡前方滅蟬  
蛻桑蟲加牛膝十二朝忽思粉食以糯米水團食之甘  
神情爽朗自上而下次第收結履底成膿減大黃石膏  
加金銀花貝母十四朝兩小股腐爛作臭廿餘朝全愈

環珠治驗

一兒三歲忽身熱如炮膚紅若錦煩躁啼號次日痘卽  
湧出稠無隙地兩頰如泥砂乾紅滯色臂上鐳痕痘如  
纍珠子密密環遶又有錢許大者一在于肩一在于  
脛窠紅板實界地連環紫滯以必勝湯減蟬蛻地龍加

黃連止服二劑。次日頭面周身卽疎朗成顆。色俱明潤。痘若改換。惟四處環珠形色如故。症亦未減。以一方服及十二朝。痘得次第應手。症亦逐日平復。以忍冬解毒湯調治收功。

其下圖像

指貫珠攢聚或見于頭面或見于周身部位者也

# 覆 釜



# 兩 截



是痘盤聚于巔頂。如釜之覆。名曰覆釜。是毒參陽位之一症也。其餘疎朗明潤者。以鬆肌通聖散。和猪尾膏。化毒丹治之。外用胭脂膏。搽貼。更稠密火熱者。必加大黃。令膿水腐爛。其毒方化。是痘上與下。綿密如鋪。中段絕無一點。梟毒擁于上下。氣血阻于中宮。以致上下隔截。痘之最惡者也。首尾一以攻毒為主。佐以猪尾膏。地龍。令氣血疏達。要截處。得散散透點。方可挽回。



蒙頭

纏腰



是痘遠頭貫頂有似兜帽故名

蒙頭毒衆陽位之首惡也餘更

稠密火熱者不治治則必攻與

覆釜同法必早圖可挽有獨聚

于天庭者亦是蒙頭餘若疎朗

明潤體不熾熱者不必用大黃

腰者腎之候也連串環繞于此

緣毒伏于腎而有此象貫珠之

最惡者也餘即疎朗不得視以

爲美治必以攻得此鬆擡統成

一圍如豆莢方不爲害不則

痘縱可觀九朝忽然悶亂變焦

# 托腮



# 鎖口



頷下亦腎經所屬。痘瘡攢成一  
 片。是為托腮。清氣為其所阻。頭  
 面必不能起。身更可知。痰湧氣  
 喘。可立而待。從來不治。若見點  
 之初。毒勢未成。以治蒙頭之法  
 治之。亦可救援。一二速宜封貼。  
 雙鎖口者。兩口角。左右一粒。較  
 旁痘獨大。板實而無盤者是也。  
 此毒擁于脾。而有此象。口乃脾  
 之竅。飲食接送之門。可令毒藏  
 此地乎。治法輕重。與覆釜一轍。  
 有連串。遠于上下唇畔。亦是。

# 鎖項



# 攢背



項係水穀之路。呼吸出入之門。痘瘡連串環繞于此。是毒鎖咽。喉與托腮無異。咽啞水噎皆由。此致。俱屬不救。但得放點之初。卽以清金攻毒飲。并猪尾膏杜。患于將萌。容有可起。毒發于背。便關生死。况痘攢簇。隨地皆凶。而可令此地犯及乎。攢而得鬆者。以鬆肌透毒散。合化毒丹。猪尾膏治之。外以胭脂膏貼攢而更板壯熱如火者。必攻須得腐爛方可慶生。

# 囊 腹



# 胸 攢



腹近五內。猶之同室。與他處不同。一有變症。毒即入裏。捷于反掌。但此地空隙。而未得為吉者矣。未有此聚如囊。而得無恙者也。治法攢背同。

胸與腹俱逼近臟腑。攢胸猶之囊腹。調劑之法亦與攢背同。

咽關



抱膝



咽關當喉攢簇而犯疊錢者也。若嬉窩則尤重矣。咽與項皆水穀之路。呼吸出入之門。其害與鎖項無異。鎖項之害。病在環繞。咽關之害。病在攢簇。治法與鎖項同。更以胭脂膏貼。

兩膝攢簇如餅。毒聚于此。聚不能達。足脛而致。虧于一簣。餘地無疵。更無內証。止以鬆肌透毒。散加牛膝。合化毒丹治之。并用胭脂膏貼。更多惡象。內証者必攻。



# 唇鎖



# 蒙醜



唇者脾之華。脾臟安和。痘不相及。更得溫潤。不則攢聚于此。有黃熟如蠟。有嘴突如雷。有黑硬燥裂而血逆。皆毒攻于脾。象見于唇。如無他症。瀉黃散合猪尾膏治之。更壯熱如炮者必攻。

痘攢簇于耳後高骨。是謂蒙醜。亦腎經伏毒之一徵也。頭面餘處皆稀。止此犯忌。以髮肌透毒散加位參。合化毒丹。猪尾膏治之外。用貼法。更稠密而炮熱者必攻。

披肩



披肩者如其肩而聚也較之于背稍輕然臟腑真氣所聚之處即鼠跡蘊沙尚屬可畏而况攢布成片乎此毒不鬆真氣錮閉上下阻塞治與攢背同法

抱鬚



鬚接太陽臬毒起伏于此取驗痘症若重鬚極稀疎必此地掀腫如蓮瓣以及正面腫脹如毬毒根方透不則此地不脹即通身光壯毒根猶伏厥後終敗可令犯忌于此乎治法與蒙翫同

# 鱗坐



# 囊球



鱗坐者其醫攢集如鱗也。穴屬  
 環跳部位又至陰之地。故發漿  
 不過環跳者不治。平而乾滯者  
 鬆肌通聖散。加牛膝板而紫滯  
 且熾熱者。涼膈攻毒散。減豆根  
 亦加牛膝。俱合化毒丹。并貼法  
 痘得陰陽和暢。雖密無咎。陽毳  
 乃下焦陰陽交會之所。故陰上  
 先收者吉。取其下焦和暢也。于  
 此若囊毒壅交會可知。上下相  
 因。下壅則上閉。治以散結湯。化  
 毒丹。熾熱者加大黃石膏。

覆釜治驗

歐餘方老先生。三歲一公郎。痘頗疎朗。却色滯乾紅。有平有陷。顆粒不鬆。至巔頂盤集。覆釜其形。是毒參陽位之一症也。以鬆肌透毒散。和大桑蟲。雖見起發。不能光壯。早欲用猪尾膏。化毒丹鬆之。因與一不韻者同事。阻及七日期滯而更燥。陷而漸板。愁容可掬。不容復緩。前方減羌防。加荆芥當歸。臨服和猪尾膏。并化毒丹。連投二劑。外用胭脂膏。搽貼身。卽壯熱。頭面掀腫。通身光壯。却徹夜無眠。以毒火潛伏日久。藥與塵戰。以故不寧。藥得其勝。氣血暢達。故得煥發。不韻者。不諳是理。第見擾

亂歸咎于生豬血而致變。料不能起。勇退而去。舉家悲泣。孰知豬尾膏最能透伏毒之深藏。毒血內瘀。非此不活。更有化毒丹。潛消黠毒。而共濟之。毒根自不容藏。次日卽安睡。九朝漿行。壯熱如燔。前方減白芷。蟬蛻。蜂房。加黃連。生地。十一二朝漸漸收癒。豬尾膏遂撤。巔頂燥痒之極。仍不能寐。以荆芥穗。金銀花。茵陳。大黃。地丁。甘草煎湯。止浴其頂。拭乾。復以胭脂膏貼。而痒卽止。仍復貫漿。堆結甚厚。餘熱未和。痘痂亦燥。前方倍加生地。臨服調牛黃半分。珠末一分。日進二服。至十五朝日漸回。口內生疔。以忍冬解毒湯。外用消疔散。又數日全愈。



蒙頭治驗

孝廉王乃老。一公郎。未及三歲。體薄而兼病後。及見痘。蒙頭鎖項。攢胸攢背。兩顴細碎。滿腹斑點。皆紫背浮萍。痘色晦滯。宛似蒙垢。痘犯不治。不一而足。所希冀萬一者。惟在初見。毒未有定位耳。以必勝湯。臨服和猪尾膏。蓋許。外復以牛黃半分。珠末一分。總勻在內。日服二劑。次日色卽有紅意。兩顴便成顆粒。四朝胸背覺磊落鬆綻。惟頭與項布而不清。却亦鬆泛。腹癢漸淡。漸退。六朝浮萍悉退。前方減葛根桃仁。八朝漸漸放白。但寢食俱艱。肩宇愁蹙。九朝漿行。未能克溢。時或乾嘔。身熱驟熾。

聲音半啞。以毒火湧洩也。以涼膈攻毒飲。十朝頭面夾  
紙鬆擡。有膿漿滲漏。身漿俱足。十二朝收痂。少潤寢食  
僅半。眉宇未舒。十六朝燥痂復泛。口內生疔。以消疔解  
毒散。日吹三四次。二十朝外。方得全愈。是痘始以必勝。  
繼以涼膈。佐以豬尾膏。化毒丹。總以攻毒導瘀。而保元  
拓裏腐談。從不講及。痘得保全。而卒無虧于本體。見有  
病病受如此。

兩截治驗

予一孫。歲未滿週。仲冬一日。忽然發搐。口眼歪斜。周身  
肉瞶筋惕。兩眼徬徨。以清肝透毒散。加羌活。臨服調入

牛黃丸七分灌下。逾時神醒。身卽壯熱。次日便見痘頭。面細密如麻。上自肩至乳。下自臍至足。稠無隙地。但得成顆。中段絕無一點。此兩截痘也。日夜叫喊不已。急以必勝湯減桃仁。加當歸。佐以猪尾膏。日進二頭服。四劑後。大便去毒垢甚多。頭面便成顆粒。身上漸得粗壯。大便日頻。晝夜約去三十餘次。繼之清水。若溺。夜卽安睡。遂減大黃。至晚仍復叫喊。痘卽奄。駢不得已。而復用。晚又安睡。次日漿勢沛然。乳食大進。食之以糯米細圓甚喜。十朝頭面堆結甚厚。但欠肥潤。神情大快。第身熱未和。不免以大熱一退。虛寒繼至。爲虞。大黃不敢復用。停

及一日。燥痒難禁。滿面搔破。熱血成流。又喊不絕口。與  
食則拒。要其所以然者。以痘犯兩載。壅塞固閉之毒。餘  
氛未殄。害仍竊發。不得以輕鬆者概論也。力主前方。第  
減葛根。紅花。蟬蛻。加石膏。位參黃連。是方服過十六朝。  
始得全愈。胃口甚強。痘後精神頗旺。

潰背治驗

雉城臧以用兄。顧渚老先生之孫也。幼時出痘。犯攢背。  
頭面稠密。如鋪肩背以上。紅深如絳。以下紫若胭脂。身  
體燔熱。神情昏憤。以必勝湯。用生地兩許。減紅花。加石  
膏黃連。自三朝服。及七朝。大便日去四五次。通身色轉

紅潤。背得鬆浮。滅葛根。至十朝。頭面漿足。背得腐爛。作臭。餘亦成漿。唇黑如煤。熱猶火熾。一方服。至十四朝。全愈。時有同事。日以脾胃爲慮。余曲諭之。得不拒。有成。

鱗坐治驗

一郡姓者。六歲一兒。痘及五朝。全不起發。日夜躁亂。如蚓在仄。舉家涕泣。以爲必斃。痘頗疎朗。按之不鬆。畏窠紫滯。頂陷而黑。至環跳處。贅聚如掌。犯鱗坐形。伏毒深藏。抗拒諸痘。始事者。但知疏肌透發。而不諳其故。毋惑乎暢達無由。日奄滯而至猖獗也。急以窮源透毒散。和猪尾膏。連投二劑。更以大桑蟲酒漿調服二枚。外以朋



脂膏貼。次日便覺鬆。又二劑。七朝。痘卽峻頂成漿。神  
即安爽。但環跳處鬆而未腫。服及十朝。漿湧。連紙鬆。擡  
如蒸餅。嗣以忍冬解毒湯。十二朝收結成功。

纏腰治驗

一徐氏女。四歲痘期。兩日甚勻。朗稀疎。却陷而不鬆。紫  
而乾澁。身熱如烙。兩腰貫珠環遶。而犯此症。是毒伏于  
腎。貫珠之最惡者也。其期尚淺。餘痘尚疎。猶可挽回。恐  
此翁不明。是理辭之弗任。不期此翁止此一女。豫爲痘  
計。屬意已專。以子弗任。六慟哀懇。情甚悲切。以必勝湯  
加牛膝黃連石膏。稍用炒黑麻黃以行之。并和猪屎膏。

連投二頭汁。腰痛難忍。繼之于汗而欲解。解後而痛卽止。便云爽快。次日三朝。凡服藥後。景况亦復如此。至八朝而痛不作矣。然其所以然者。伏毒之症。犯幾朝敗者。日期未至。毒雖暴烈。猶未作難。以其尙伏也。故爾得安。時師不諳而多忽。殆至發難時。毒已潰而無及矣。見于機先者。攻之而不容其伏毒。又盛而未肯遽降。藥毒塵戰。自不能寧。至于藥力戰勝而貼然矣。何痛之有。嗣後放白成漿。腰間纏毒。統脹如連殼豆。豆漿亦滿圍。但熾熱未和。飲食未半。前方減蠟蛻桃仁。葛根。紅花。麻黃。服及十二朝。口漸回和。收結全愈。

并腮治驗

吾宗叔澹。五歲一愛。烈熱如爐。不及一日。而痘卽見于地角。頰下細如針頭。而色近白。托腮之象未成。托腮之穎已露。正面周身所見。俱不成粒。色多蒼紅。徹夜躁亂。將來攢簇惡象。皆可。有者。痘鄰于逆。所冀者。惟在初見。以必勝湯。減桃仁。加石膏。位參。日服三次。劑頭汗。卽用胭脂膏封貼。次日正面與身。卽成顆粒。却無隙地。是方和大桑蟲。每服一箇。五朝神情得安。七朝圓綻肥紅。地角頰下。隔紙鬆綻。亦得纍纍。前方減蟬蛻。乾葛。十朝漿甚克滿。惟壯熱未和。盤暈嫩紅。飲食不進。大便目解。五

六次皆毒垢。十一朝正面堆沙。漸次收結。以及周身。十三朝胃氣頓開。痘痂尚燥。紅暈未得全收。服至十六朝。諸象回春。始終以一方成之。纔以忍冬解毒湯加生地。二十朝全愈。弗藥。約用大黃二十餘兩。石膏二觔。

囊毬治驗

一李氏子三歲。見痘兩朝。色似胭脂。頂陷不鬆。火熱如烙。煩渴不已。至陽毬攢簇。宛若荔枝。環內求愈。惟磊落耳。以消癍快毒湯加大黃石膏桃仁地丁山查服。及五朝得鬆。六朝紅活。猶然絳色。前方減桃仁蟬蛻九朝漿足。紅暈未淡。熾熱復然。時生地已幾十餘兩。黃連三兩。

餘矣。至十二朝熱得稍緩。紅暈畧淡。寢食亦以之而稍安。前方減石膏。十四朝先收者。宛赤而多浮皮。後結者。焦痂而紅暈猶附。體膚燥熱如初。夫固餘毒之先標也。不越二日。神卽昏迷。從頭至足。手空地及疤內。重出一身似痘。非痘不成顆粒。脚地相糝。色如塵垢。無一隙地上。則抱鼻而更層纒。以又人中。下復囊毯。以及小便紫腫痛楚。非常。仍不能寐。稀粥與之。則嘔。不與則不思。而痘復始矣。較前局更惡。此名謂禱。禱痘。禱。禱。乃惡獸。其性反覆。痘與相類。故以是名。此痘古來有之。第罕見耳。以窮源透毒。散減。山甲歸尾。加桔梗。牛旁生地。黃連。金



銀花青橘葉臨服調牛黃化毒丹錢許四劑後色漸紅而猶滯囊漸壯而猶平服及五朝仍眼封鼻塞七日行漿通身漸漸堆沙收結痂成一片十餘日而褪及過半頭面黑硬堅牢反不能落其鼻聳抱如螺拂及則痛人中亦燥裂逆血其小便龜頭于中段腫處頂出陽毬老靨抓肉爬肌眉宇不舒餘熱不解前方重加生地兩餘黃連二錢以金銀花湯煎藥服及月餘而熱始和痂始鬆以熟猪油調入官粉泐其頭面而得褪改形換相非初褪時面目矣嗣後寢食俱安調理收功人中與陽毬俱陰陽交會之地惡毒上下開鎖痘故如此若不開關

于前亦烏覩其後局若此也

抱鬢治驗

嚴君安兄一小愛歲未滿週痘鄰于逆先見于兩鬢攢  
簇如麻繼而頭面通身徧及無餘色近于白而窠粒卒  
不鬆體不甚熱而神情卒躁亂似虛似實之間然虛者  
偽而實者真也兼于脉惕筋抽不時乾嘔兩目預腫而  
預合種種皆伏毒之象而况抱鬢其形伏毒已先昭于  
前乎一不韻者認爲氣虛痘反有隱意勢甚猖獗急以  
涼血攻毒飲以當歸易生地減赤芍加山查地可甘桔  
和桑蟲一枚日服二劑四朝頭面有鬆意根窠稍有紅

暈眼腫減半。閉而復開。生機在此。七朝身體壯熱頭面  
起脹。頂白根紅。眼封鼻塞。有行漿之勢。大便日去六七  
次。身尚復然。餘症未減。前方減蟬蛻葛根。原用生地。加  
黃連。服至十二朝。身得鬆透。寢食得半。下部痘瘡板實。  
皮肉擁腫如炊。前藥加牛膝羌活。更以牛黃化毒丹。日  
以五分佐之。并大桑蟲。至十八朝。身漿始沛。并及足脛。  
二十餘朝。上褪下結。前症日愈。惟眉宇未舒。眼開有瞽。  
口內生疔。頭角與小股起一大毒。如拳。以忍冬解毒湯。  
加羚羊角羌活赤芍地丁胡桃。口內吹以消疔散。至月  
餘全愈。約大黃四十餘劑。桑蟲大小約有六十。

申明惡色并治法

痘之色血之見乎外也。血和則紅淡而潤。紅深如絳則血熱之饑昭然。熱若鬱而不透則火燄不發而紅日乾。乾而至于色類椒皮。榮失其榮而血幾于死矣。是紅之最惡者此也。熱劇則血瘀而色紫。紫而艷雖瘀而猶可活。紫至于滯則血被毒囚而內攻幾成矣。是紫之不堪者此也。黥滯青蓮可無擬治法矣。是紅是紫皆熱毒肆虐在所必攻。然攻有不同。當分隱見其隱與見之分。總以身之熱與不熱辨之。身熾熱者熱毒燔灼其血沸騰。攻宜與涼血清火並行。大忌辛燥。卽當歸在所宜禁。以血中之辛藥也。體不熱

者熱毒固閉血如膠漆攻宜與導瘀活血共濟大忌寒涼  
卽生地亦所宜禁以血中之涼劑也然辛燥尤不可撻總  
令血得其和歸于紅潤斯爲良法

附紫滯治驗

張武老一繼愛三歲一日熱如炮熾次早卽見痘一齊

湧出稠無隙地通身紫滯神情躁亂大渴不止凡毒火

燔灼于放標時者是痘爲火裏苗若不清其源而但以

疏肌透表爲發勢必至焦黑而內潰矣急以消癰快毒

湯加大黃石膏桃仁服及六朝色轉紅活顆粒亦鬆熾

熱未減至八朝晨刻放白午刻而漿卽肥濃以見血熱



之痘患火不清一清而轉移之象勃然矣寢食猶未能復外以牛黃一分珠末二分以佐前方至十二朝發臭熾熱頓和寢食俱安漸收漸結痂似松皮嗣後又發血瘋瘡終不外涼血解毒之劑調治而愈

附絳紅治驗

顧佺仲兄韻翁老先生之公郎也六歲時出痘頗勻朗粗綻却紅艷如絳燥炙如火腹內時痛神情煩躁徹夜不寐此火炮于外而內又毒伏也以清涼攻毒飲減紅花加赤芍服至五朝痛止肌潤得睡前方加甘草至七朝絳色漸淡頂白而肥八朝漿卽肥濃大便日解五六

次熱亦減半。飲食漸想。前方去大黃石膏犀角加連翹  
佞參十朝。頭面先收。痲燥而白。根底猶附線紅。至晚身  
復壯熱。睡不甚安。是後來餘毒之漸也。復用石膏倍加  
生地外以牛黃一分。珠末倍之。和于劑內。日進二服。至  
十六朝俱得平復。後用忍冬解毒湯調治收功。

附礬紅治驗

雉城臧玉老。八歲一孫。身熱如炙。口渴煩躁。痘甚稠密。  
而色礬紅。三日期矣。始事者第以升發爲透。乾而幾黯。  
躁亂愈甚。身無安放。以必勝湯用大黃三錢加石膏黃  
連。日服二大劑。五朝頭面紅潤。身尙未轉。七朝面部放

白行漿通身乾而得潤神情半爽八朝成漿而迅速黃熟矣漿近板黃凡血熱之痘烈火一透漿無漸次惟嫌太驟漿無不滿惟慮板黃板黃者火褐倒靨之象也倍大黃五錢石膏生地兩餘三劑後漿色潤澤大便日去五六次飲食稍思熾熱未減其外祖王氏至見此藥劑大以爲怪停及一日是晚躁亂如初次日炮熱更熾身戰如寒漿殆變而躁實矣悉如前方連投二劑振戰卽定再劑而漿色復潤紅暈亦漸收漸淡服及十四朝虐欲將熄寢食漸安遂弗藥聽其自回厥後通身泛疤環跳處起兩癰如拳痛楚非常以忍冬解毒湯加羌活赤

芍服及十餘劑而愈

附椒皮治驗

小莆黃元澄兄一公郎今之長公也稟賦甚薄時方二歲出痘于癸酉春體不見熱徹夜擾亂叫不絕聲口膩如脂痘無容針之地晦色者如蒙垢乾紅者似椒皮顆粒不鬆此毒伏于內體故不熱叫喊擾亂以氣血受錮神故不著晦色椒紅表裏雙關痘鄰于逆者也法當攻其伏不使毒橫于內制其毒使氣血發煌于外庶得挽回于萬一若以稟薄爲慮縱毒肆虐是不知務者矣以鬆肌通聖散加大黃減羌活白芷以其燥也臨服和猪

尾膏半盞服及三朝如水交石大便日去六七次眼卽  
矇閉唇口腫硬亦毒叅陽位之一症也前方佐以大桑  
蟲每劑一枚服及六朝身體頓熱唇黑如煤瘡色變紅  
而却燥仍以前方加生地黄連減蜂房赤芍至八朝滯  
色悉退放白而不能肥煩叫依然面腫若有退意是伏  
毒未能淨盡而氣血一時不能克達故也權宜之際減  
大黃青皮用參七分芪一錢而暫克之和入大桑蟲一  
枚二劑後痘卽肥泛面卽光榮眼縫推脂熱却如火凡  
熱毒之症乍虛乍乏與虛寒之症不同一喚卽醒醒當  
卽止今熱如火雄烈仍在以消毒化毒湯減蜂房赤芍



日投二劑外以牛黃一分珠末二分以佐之服及十朝漿滿十二朝黑嘴鬆褪神情始安乳食大進痘痂終燥身熱未和服及十六朝發臭臂與膝生兩毒減生地加當歸金銀花貝母廿朝外俱得平復收功。

附紫艷治驗

有一朱姓之子三歲痘在五朝熱如火熨痘色紫艷若花內雞冠唇裂迸血亦紫躁亂如蚓在灰厥父母涕泣以爲必無幸矣然猶可冀者面目掀腫雖紫能肥速以必勝湯重以黃五錢生地兩許加石膏亦如其數減紅花蟬蛻服及七朝紫變爲紅繼卽放白底漿次日便

救偏理言 卷三  
老更喜烈熱漸解前方去葛根桃仁紅花加位參重劑  
減半又四劑回好

申明四毒頂

痘貴綻而紅活。平平若烙炮者。其頂若熨而平。其色若熟而腐白也。痘貴氣尊而血附。下陷根腫者。頂若菜萸而脚不鬆也。一平一陷。均氣爲毒滯。一旁上壅而不得榮于囊殼。一毒下鬱而不得透于頂尖。治法皆所當攻。其熾熱者。重攻而寒之。熱不甚者。輕瀉而鬆透之。如煤爨火燒者。其色焦黑。似乎火悴者。然囊頂光圓者。本是妙境。而色焦紫形亦何足取也。斯二者均血破火灼。血劇則變也。大都不

治得無他症而顆粒磊落者容或可治熾熱者攻而寒之更導其痰熱不甚者攻而導之兼達其閉

附頂平腐色治驗

同袍陳宗老止宜老先生長公也出痘于幼時顆粒亦朗其頂平平若爲火熨者然其色白如宿腐盤暈嫩赤心煩壯熱以滌邪救苦湯去澤瀉加地丁生地丹皮日服二劑大便日解二三次次日三朝佐以大桑蟲每日二枚前方服及六朝頂漸起而根漸活宗老岳翁舉其族中一同道至以頂平而白認爲氣虛拘古法而傍日欺直用保元湯陳老先生明理信任弗貳前方服及十

朝減滑石紅花桑蟲服至十二朝亦得次第奏効十四  
朝收痲燥硬身熱未和根底尙附線紅此熱毒未盡將  
來餘毒之象也倍用生地兩餘外加石膏亦如其數并  
金銀花佞參貝母十六朝餘毒聚于頸項腫痛非常強  
直不能俯仰周身泛溢寢食俱廢又加地龍五條一方  
服及廿四朝始得脫然全愈

附頂如煤治驗

王偉之兄紹賓老先生之孫也一公郎三歲痘密如鋪  
郭殼癢紅其頂黑如煤儼若火焯者大都居半身無安  
放體不甚熱以毒伏于內也必勝湯每服和猪尾膏

半盞服及三朝更和大桑蟲以佐之七朝頂與郭殼俱  
轉紅活減桃仁乾葛蟬蛻加當歸八朝身體壯熱有放  
白成漿之勢飲食大進神情開爽見景象進長恃爲無  
恐而藥卽懈弛次日仍復躁亂燥痒難禁兩顴搔破痘  
色變而紫滯悔之無及速以臘脂膏貼其破傷之處前  
方加黃連重以大桑蟲一枚和于劑內連投二服諸症  
減半兩頰膿水滲溢痘色復轉繼而成漿結痂神情寢  
食俱安以一方貫之十六朝而得收功

附頂陷根腫治驗

有一陳氏子五歲見痘于隆冬頂陷且深時雖嚴寒却



煩渴躁亂唇裂逆血頂雖深陷囊實根腫而色乾赤此  
氣血爲熱毒壅遏不得申其領載之權以故陷而不起  
非寒凝不透尤非氣虛不峻也一始事者不諳其理徒  
以升發爲事累日不起至六朝驟然作痒手舞足蹈竭  
定痒之法而莫禁痘色更晦頻頻乾嘔此翁計無所施  
謝絕去矣據膿未成而痒沸症固危篤猶幸兩額擦而  
未破更憐其未得對病之劑而竟棄之覺爲不忍先以  
胭脂膏貼其兩額以必勝湯減桃仁地龍加黃連錢許  
蜜炒麻黃二分臨服和大桑蟲二枚日服三頭汁大便  
去三四次俱如膠漆伏毒一鬆頭面卽脹而痒遂定上

身亦起。又二劑色轉紅活而渴愈甚。體熱更熾。是毒火發見之象也。下身猶然板滯。減麻黃。加石膏。酷好橘。非此不藥。每服必五六劑。至十朝頭面漿足。下部亦蠶減。葛根。二朝頭漿斂而身漿徧。飲食得進。神情未開。前方減蟬蛻桑蟲。十六朝諸症脫然。痂落過半。始易忍冬解毒湯。調治未及兩日。身復炮熱。眉宇復愁。肩發一毒。周身泛疤。復加黃連赤芍。外又以牛黃化毒丹。日服錢許。至廿四朝全愈。

附頂與色不侔治驗

朱石公兄。五歲一孫。痘初見點。火熱如爐。悶亂喘急。昏

暈如迷遺尿目閉正面一片礬紅隱隱細如針刺者目  
之有點按之無粒身上數點而色焦紫勢甚危篤所冀  
惟在初見以清涼攻毒飲重以<sub>大黃</sub>減犀角<sub>加地下桃</sub>  
仁蟬蛻二劑後<sub>額</sub>卽透發成粒通身俱透點或額而且  
圓綻惟色紫滯神情半開又一劑<sub>額</sub>卽光澤身猶未轉  
外佐以<sub>大桑蟲</sub>四朝紫漸變紅而未潤服及七朝頭面  
成漿周身放白胃氣未開前方減<sub>桃仁</sub>紅花蟬蛻九朝  
思食而壯熱未減盤暈燉紅重以<sub>生地</sub>兩許防其成火  
褐也服及十二朝諸症貼然漸收漸褪後易忍冬解毒  
湯而愈

申明痘佳症惡

痘之吉凶世多還以痘準。如窠粒圓綻盤暈肥紅更兼疎朗人人目之爲順。何虞其有覆敗之患哉。不知痘象雖佳。症或凶暴。若以痘美而致忽焉。繼必痘隨症變。秀而不實矣。然症與痘俱由內而發。何以痘旣若此。症又若彼。耶。蓋痘出于險者。毒恒有隱見不同。發見處則氣血暢達。領載其毒。痘故得以光壯。隱伏處則氣血鉅閉。毒無駕馭。橫症所以旁出。卽以痘觀之。稀疎處可以數紀。稠密處無以容針。衝突處至于重頂。陷伏處過期不透。卽以症言之。體熱如烙者。肢冷如水。傾瀉如注者。喉爾閉塞。毋惑乎痘無可

虞而有可畏之症矣。瘰不必多。美難勝惡。犯一痘忌大局。隨之順不嘉多。逆嫌一點。此之謂也。

附一治驗

陳錫甫兄七歲一公郎痘見三朝。勻朗粗綻。色甚肥紅。而少淡痘象。佳身却熾熱。愁容可掬。徹夜不寐。云胸膈悶而不快。假令傷食而然。痘其不能煥發矣。今紅而且深。緣毒火湧盛。氣血須載。有及與不及。所不及者。毒在于內。而故有此症。以滌邪救苦湯。減紅花澤瀉。加地丁。四劑後大便去三四次。胸膈便爽。睡卧亦安。熱亦減半。因痘可觀。故不敢過前。方減大黃三劑。至七朝前態。



復然痘覺停滯。求其故而未得。忽喉間冲冲欲吐。俄頃咯出濃痰。于乃尊之手。痰熱如沸。以見攻之未可已也。前方倍以大黃二劑。通身放白成漿。諸邪復退。惟熱未和。一方服及十二朝全愈。是痘因形色而忽其症。至變紫變黑而斃者。不可勝紀矣。

申明痘白雄標

痘若稀疎。其毒似輕。淡白則痘似不足。至于標痘。或紫或焦。或盤暈。焮赤。中心黑陷。按之板實。是謂雄標。係一身痘瘡之主。主痘若此。則其稀者。諸痘爲臬毒抗拒也。致伏于內。故若稀。非毒輕也。白者。血爲毒鬱。不得外著。故白。非不

足也。急宜刺之。吮出其毒。用胭脂膏封貼。視其神情。內症輕者。以活血透毒。重則必攻。令毒根一鬆。通身透發。而白變爲紅矣。

附一治驗

凌長康兄一孫。二歲。身不見熱。驀然左顴一報痘。脚地扁濶。色赤而乾。中心黑陷。按之板實。身有三四點。似痘非痘。俱淡白色。已三日矣。寢食如常。神情如故。所以然者。以痘之所中有淺深淺者。其毒鬆。其出易。形圓而色潤。深則反是矣。機雖萌動。全體尚伏于包孕之地。而未發。故若未痘者然。及所報之點。却如此形色。若不杜患。

于將來任其自至。有越六七日。或八九日。有十數日。外湧出如麻。非紫黯。卽椒紅。而不可救藥矣。有所謂等伴痘者。卽此是也。令將銀針挑破。胭脂膏貼之。以必勝湯減桃仁生地。服及五劑。日以大桑蟲一枚。而身始熱。大便連去三次。通身透發。痘得踈朗。奪其勢于未成也。窠囊尙不鬆泛。又四劑。圓綻光澤。標痘根擡頂腐。神情愁楚。以全軀毒湧未得成熟也。前方減葛根蟬蛻。服及十  
二朝收功。

申明飛漿

痘期十四日。自放點。以至落痂。猶十二卦之陰陽消長也。

當初出一點紅血。初定位。純陰坤卦之象。陰極陽生。漸而復復而臨。臨而泰。三陽透于頂尖之上。陽交于陰。氣會乎血。痘故紅而變白。五朝大壯。六朝夬。七朝乾。六陽呈象。血受氣化。而至純陽。痘故白變爲黃。所謂七漿八足。足則爲膿。成膿而色自黃。是痘之應。至而至陰。陽自然之理也。若未及三朝。諸痘未能放白。數點驟然黃熱。緣爲烈毒所衝。故爾漿成迅速。是謂飛漿。止一二點。熱不甚熾者。以針挑之。用胭脂膏封貼。但與涼血清解。自放白成漿矣。如其迭見不已。熱如炮烙者。必攻。僅與清火涼血。終必焦紫。不能救援者也。

附一治驗

洪崖王老先生。一孫三歲。漢章兄之公郎也。痘紅如絳。熱熾如火。徹夜不寐。急以涼膈攻毒飲。用生地三錢。大黃錢許。日投二劑。三朝大解。僅二次。劑輕不能駕馭。頭面起二點飛漿。老黃如蠟。紅艷漸滯。前方用大黃三錢。生地七錢。石膏兩許。連投二劑。挑破飛漿。點以胭脂膏。是晚得卧。熱亦稍和。重劑減十分之三。五朝又起飛漿。十數點。景色復然。仍以重劑。服至七朝。放白。八朝成漿。寢食俱安。惟熱未減。十朝漿老。頭面有斂意。紅暈未淡。十二朝足小股起一癰如桃。夜復不寐。以胭脂膏敷其



四圍。刺出其頂。一方至十六朝出膿。諸症平復。口生痘。疔佐以消疔解毒散吹之。方易。忍冬解毒湯調治全愈。

### 由明泡湧

痘瘡氣盛則泡。氣盛者毒氣盛也。毒氣雄猛。反成過鬱。過鬱之極。內有衝突。以物極則反也。過鬱處頂平頂陷。窠粒不鬆。連肉亦有板實者。衝突處毒鋒如射。膚其鋒者囊隨毒起。泡之有自來矣。所起乃鄂殼浮皮。不爲氣領。而囊故飄薄。不受血載。而根故無暈。氣血關鎖之極者。色白而囊空。氣得浮動者。內涵清水。血得浮動者。水若醃魚。血內瘀者。其色紫。血幾于死者。其色黑。宛若一葶桃之形。有粗有

細酷肖其色。有白有紫有黑。而有若醃魚水色也。總爲毒氣衝突之使然。症屬不治。但于放點之時。窠粒不鬆。根無盤助者。知其泡所必至。卽以驅毒鬆肌杜于未萌。斯爲良法。有膿成之後。過期不斂。膿化爲水。數粒相併。而若泡者。以針挑破。自乾。不爲泡論。

附一治驗

一施氏女。十三歲痘患。血熱氣滯。窠粒不鬆。紅盤肆溢。徧體如霞。以貧窘不事醫藥。八朝湧泡。幾三分之一。餘俱平板。九朝泡俱破傷。其浮皮有如麥殼破傷之色。乾赤有如膚剝。火熱如炮。痛楚非常。衣衾難動。症在垂斃。

厥父母哀號悲切。余憐其坐視以貧而就死地。未免希  
援于望外。以生地兩半。石膏一兩。大黃三錢。與衆藥同  
煎三錢。臨起投下。餘佐以荆芥穗。地丁。赤芍。山查。青皮。  
木通。投下二劑。連解六七次。破傷處俱有膿水。濕潤平  
板者。畧覺鬆浮。又二劑。通身毒化成漿。頃思飲食。再劑  
而熱減半。漸漸收結。發瘡發疔。以忍冬解毒湯全愈。